

ጳውሎስ ኤፌሶና አሳው ፃፊዳ ኪታ ጌሉዋ

ጳውሎስ ኤፌሶናን ዳዒያ አሳሲ ፃፊዳ ኪታን ኡባባፔ አሊዳ ኢ ጌሌዳዋ፡ «ፆሳ ቆፋ ኦሱዋን ፔሻናዌ ሳሉዋኒኔ ሳዓን ዳዒያባይ ኡባይ ኢቲፔ ሺቂዳ፡ ኢቲ ኪሪሰቶሳ ማታ ጋርሳን አቂያ ዎዲ ጋካና» ያጌያ ቆፋ (1:10)። ሄዋ ቦላንካ ጉጂይ ዬሱሲ ኪሪሰቶሳና ኢቲፔ ጌዲዳ፡ አሳ ዛሪያ ኡባይ ኢቲዋ ጌዳና ማላ፡ ሃ ዎልቃማ ቆፋ ኦሱዋን ፔሻናዳን ፆሳ አሳ ሃሳዪሴ።

ኤፌሶና ኪታይ ኮይሮ ሳን ፃፊ ኢቲፔቴላዎ ፃፋናው ደሜዳዎ አሲዳ፡ ፆሳይ አዉ ባሪ አሳ ዎቲ ደሪዴንቶ፡ ኡንቲንቲካ አ ናዓ፡ ዬሱሲ ኪሪሰቶሳን ባሪንቲ ናጋራፔ ማሪቲዳ፡ ዋኒ ላዓ ኬሴዴንቶኔ ፆሳ ዎልቃማ ሂዶታ ቃላይ ጌሻ አያና ባጋና ዎቲ ኤሪቴዴንቶ ኦዴ። ላዒሊያ ሻኩዋን ቃሲ ፃፊ ሃ ኪታ ናባቢያዎንቲ ባሪንቲ ኢቲፔቴላ ዴዑዋን ኪሪሰቶሳን ኡንቲንቲሲ ዳዒያ ኢቲፔቴላይ ቲማ ጌዳና ማላ ኡንቲንቲ ዋኒዳ ዳዓናው ቤሲንቶ ቆፊሴ።

አሳይ ኪሪሰቶሳን ዳዒያ ኢቲፔቴላን ዋኒዳ ዳዓናው ዳንዳዪንቶ ዲማ ዲማ ሂላ ሃሳያን ቆንጨዳ። አማኒያ አሳይ ኢቲ አሳቴላ ለሚሱዋ ጌዲያ ዎዴ፡ ኪሪሰቶሲ ሄ አሳቴላው ሁጲያ ጌዴ። አማኒያ አሳይ ጌምቢያ ጎሊያን ለሚሱቲያ ዎዴ፡ ኪሪሰቶሲ ሄ ጌምቢያ ጎሊው ጎዳ ፃጶዎ ሚኒሲያ ዋና ሹቻ ጌዴ። አማኒያ አሳይ ማቸያዳን ለሚሱቲያ ዎዴ፡ ኪሪሰቶሲ አሲናዳን ጌዴ። ፃፊያዌ ኪሪሰቶሳ ባጋና ቆንጨዳ ፆሳ አጶ ኬካቴላ ዳር ጶቂሲ ናሺ ሃሳዪዳ፡ ጨማቴዳ ቆፋ ሺሼ። ኢ ኡባባካ ኪሪሰቶሳ ሲቁዋን፡ ኢ ያርሼቶዋን፡ አ ማርቴላን፡ አ አጶ ኬካቴላኒኔ አ ሳርቴላ ባጋና ጌሌ።

ሺምጋቲዋ ኡባቲዋሲ አሜቴዳ ቃንላ ቆፋቲዋ

- ጌሉዋ (1:1-2)
- ኪሪሰቶሳኒ አማኒያ አሳ (1:3-3:21)
- ኪሪሰቶሳን ቤቲያ ኦራላ ዴዑዋ (4:1-6:20)
- ዉርሴላ ቁቲያ (6:21-24)

1 ታኒ ያሳ ሼኒያን ኪሪሰቶሲ ዩሱሲ ኪቴዳ ጳውሎስ፡ ኤፌሶናን ዳዒያ ያሳ ናናው ቃሲ ኪሪሰቶሳ ዩሱሳው አማኔቲዳ ዳዒያዎንቶ ሃ ደቢዳቢያ ፃፋይ።

2 ያሳ ኑ አወዋጥኔ ጎዳ ዩሱሲ ኪሪሰቶሳጥ አጾ ከካቴላዩኔ ሳርቴላይ ሂንቴንቶ ገዶ።

ኪሪሰቶሳጥ ቤተያ አያና አንጂዎ

3 አያና አንጂዎ ኡባን ኪሪሰቶሳ ባጋና ቦላ ሳሉዎን ኑና አንጂዳ ያሳ፡ ኑ ጎዳ ዩሱሲ ኪሪሰቶሳ አወዋ፡ ኑኒ ጋላቴቶ። 4 ኑኒ አ ሲንላን ጌሻቱዎኔ ፖኩ ባዪናዎንታ ገዳና ማላ፡ ያሳይ ኑና ሳዓይ ማጺታናፔ ካሴ፡ ኪሪሰቶሳ ባጋና ባሬ ሲቁዎን ደሬዳ። 5 ያሳይ ባሬ ሼኒያን ባሬ ደሴዳዎዳን፡ ዩሱሲ ኪሪሰቶሳ ባጋና ኑና ባሬ ናናቱዎ ኦላናው ካሴቲዳ ቆፒ ዎሌዳ። 6 ያሳይ ባሬ ሲቁያ ናዓ ባጋና ኑሲ ጮ አሜዳ አጾ ከካቴላ ቦንቹዎ ዲራው፡ ኑፔ ጋላታ አካናው ሄዎ አሌዳ።

7 ኑኒ ያሳ አጾ ከካቴላ ዳሩዎዳን፡ ኪሪሰቶሳ ሱላን ዎዜቴደ፤ ሄዎን ያሳይ ኑ ናጋራ አቶ ጌዳ። 8 ያሳይ ባሬ አጺዳ ኤራቴላ ኡባኒኔ ባሬ ዎዛና ቆፋ ኡባን ባሬ አጾ ከካቴላ ኑሲ ዳሪሲዳ አሜዳ። 9 አዩሲ ጎፔ፡ ያሳይ ባሬ ቆፔዳዎ ኦሌዳ፤ ቃሲ ኪሪሰቶሳ ባጋና ፖላናው ቆፒ ዎሌዳ ፀራ ዩወዎ ኑና ኤሪሴዳ። 10 ያሳይ ዎዲያ ወርሴላይ ጋኪያ ዎዳ ፖላናው ቆፔዳ ቆፋይ ኪሪሰቶሳ ዎና ኡዲዳ፡ ሳሉዎኒኔ ሳዓን ዳዒያ ማጺታ ኡባ አቲፔ እኒ ሺሻናዎ።

11 ኡባባይ ያሳ ቆፋዳኒኔ ኢ ጌዳዎዳን ሃኔዳ፤ ያሳይ ካሴቲዳ ቆፒ ዎሌዳዎዳን፡ ኪሪሰቶሳ ባጋና ኑኒ አዎንታ ገዳናዳን፡ ኑና ደሬዳ። 12 ኑኒ ካሴቲዳ፡ ኪሪሰቶሳ ባጋና አካና ገዳ ናሺቻን ናገያዎንቱ፡ ያሳ ቦንቹዎ ጋላቴቶ። 13 ሂንቴወካ ቃሲ ሄዎዳን ሃኔዳ፤ ቱሙ ኪታ፡ ሂንቴንቶ አቶቴላ አሄዳ ሚሺራቹዎ ቃላ፡ ሂንቴ ሲሴዳ ዎዳ ኪሪሰቶሳ አማኔዲታ፤ ያሳይ ሂንቴንቶ አማና ጌዳ ጌሻ አያና ባጋና፡ ሂንቴ አዎ ገዲያዎ ኤሪሲያ ማታፋ ሂንቴ ቦላ ዎሌዳ። 14 ያሳይ ባሬ አሳው አማና ጌዳዎ ኑኒ ላታና ጋካናው፡ ጌሻ አያና ዋሴቴላ ኦይቁዶ። ሄዌ ቃሲ አ ቦንቹዎሲ፡ ጋላታ ገዳናዎ።

ጳውሎስ ኤፌሶና አሳው ዎሴዳ

15 ሄዎ ዲራው፡ ጎዳ ዩሱሳ ሂንቴ አማኒያዎኔ ጌሻቱዎ ኡባ ሂንቴ ሲቁያዎ ታኒ ሲሶዴፔ ደማዳ። 16 ሂንቴንቶ ያሳ ጋላቴያዎ አጋቤዩከ፤ ያሳ ዎሳዳ ሂንቴወካ ዎሳይ። 17 ቃሲ ጎዳ ዩሱሲ ኪሪሰቶሳ ያሳይ፡ ቦንቹዎ አዉ፡ ያሳ ሂንቴ ኤራናዳን፡ ሂንቴና አጺዳ ኤራንቻ ኦሊያ ቃሲ ያሳ ሂንቴንቶ ቆንጨሲያ ጌሻ አያና

ሂንቲንቶ አማናዳን፣ ታኒ ዋሳይ። 18 ያሳይ ሂንቲ ኣካና ጊዳ፣ ናሹቻን ናጊ ኡቲዳዎ ሂንቲና ጳሴዳዎኔ ኢ ባሬ ኣሳው አማና ጊያ ኣንጂ ኣይ ኮና ዲሬንቶ ሂንቲ ኤራናዳን፣ ያሳይ ሂንቲ ዎዛና ደደና፣ ኣ ፖዑዎ ሂንቲ ቤዓናዳን፣ ታኒ ያሳ ዋሳይ።

19-20 ቃሲ ኣ አማኒያ ኑናን ኣ ዎልቃይ ሎይሲ ኦሴ። ሃ ኑናን ዳዒያ ዎልቃይኔ ሃዩቁዎፕ ኪሪሰቶሳ ዳንሲዳ፣ ሳሉዎ ሳዓን ያሳፕ ኡሹቻ ባጋና * ኡቲሴዳ ዎልቃማ ዎልቃይ ኢቱዎ። 21 ኪሪሰቶሲ ሳሉዎ ሱንሳቱዎፕ፣ ጎዳቲሳይ ዳዒያዎንቱፕ፣ ዎልቃማቱዎፕኔ ጎዳቱዎ ኡባፕ ቦላ ጊዲዳ ዎዳ፤ ኢ ሃዒ ዳዒያ ዩሌታ ፃላላን ጊዳናን፣ ሲንሳፕ ያና ዩሌታኒካ ሃራ ሱንሳቲሳ ኡባፕ ጶቄ።

22 ያሳይ ኡባባ ኪሪሰቶሳ ጌዲያፕ ጋርሳን ዎዲሲዳ፣ ቃሲ ያሳይ ኢ ኡባባኒ ኡባፕ ቦላና ጎዳ ጊዳናዳን፣ ዎሳ ጎሌው ኣ አሜዳ።

23 ዎሳ ጎሊ ኪሪሰቶሳ ኣሳቲሳ፤ ዎሳ ጎሊ ኪሪሰቶሲ ኡባሳን ኡባባ ኩንሲያ ኣ ፖሉዎ።

2

ኪሪሰቶሳን ሃዩቁዎፕ ዳዎ ፕኒያዎ

1 ሂንቲ ኣዛዜቲናን ኢጲዳ ዲራውኔ ሂንቲ ናጋራ ዲራው፣ ካሴ ዎዲያን ኣያና ሃዩቁዎ ሃዩቁዲታ። 2 ሄ ዎዳ ሂንቲ ሃ ኣላሚያ ዩሌታ ኢታ ኦጊያ ሃሚቲዲታ፤ ጫርኩዎ ጊደን ዳዒያ ዎልቃማ ኣያናቱዎ ካፖ ቃሲ ያሳው ኣዛዜቲና ኣሳ ሃዒ ዎዲያ ኣያናው ኣዛዜቲዲታ። 3 ኑኒካ ቃሲ ኡባይ ሄ ኣሳ ማላ፤ ቃሲ ኑኒ ኑ ኣሹዎ ኣሙዎዳን ዳዒደ፤ ኑ ኣሹኔ ኑ ዎዛናይ ኮዩዳዎ ኦሴደ። ኑኒካ ሃራቱዎዎዳን፣ ኑ ሚዴታን ያሳ ሃንቁዎ ኣካናው ዳዒቶ።

4 ሺን ያሳ ማርቲሳይ ዳራ ጊዲያ ዲራው፣ ባሬ ሲቁዎ ዳራዎዳን፣ 5 ኑኒ ኣው ኣዛዜቲናን ኢጲዳ፣ ሃራይ ኣቶ ኣያናን ሃዩቁዳዎንታ ጊዲናካ፣ ኢ ኪሪሰቶሳና ኑሲ ዳዑዎ አሜዳ። ያሳ ኣጶ ከካቲሳን ሂንቲ ኣቲዲታ። 6 ኑኒ ኪሪሰቶሲ ዩሱሳና ሳሉዎኔ ሳሳኔ ዎዳናዳን፣ ያሳይ ኑና ኣናና ኢቲፕ ሃዩቁዎፕ ዳንሴዳ። 7 ኢ ሲንሳፕ ያና ዎዲያን፣ ኑሲ ኪሪሰቶሲ ዩሱሳን ዳዒያ ከካቲሳን፣ ኡባፕ ኣጲያ ባሬ ኣጶ ከካቲሳ ጶቃቲሳ ቤሳናው ሄዎ ኦሴዳ። 8 ኣዩሲ ጎፕ፣ ሂንቲ ያሳ ኣጶ ከካቲሳን፣ ኣማኑዎን ኣቲዲታ፤ ሃዎ ያሳ ኢሙዎፕ ኣቲን፣ ሂንቲ ኦሱዎና ጊዳና። 9 ሂንቲ ዳቡራን ቤቲቤና ዲራው፣ ሂንቲ ጨቄቲያባይ ኣያዩኔ ባዎ። 10 ኣዩሲ

* 1:19-20 ኡሹቻ ባጋ፡ ዎልቃኔ ቦንቹዎ ሳዓ። 1:19-20 ማዝ 110:1 1:22 ማዝ 8:6 1:22 ቆላ 1:18

ጎጥ፣ ኑሲ ያሳ ማዴታ፤ ኢ ኑሲ ካሴቲዳ ገገሲ ዋጭዳ ሎዖ ኦሱዋ ኑሲ ኦፋናዳን፣ ኪሪሰቶሲ ዩሱሳ ባጋና ኑና ማዴዳ።

ኪሪሰቶሳን ቤተያ ኢትፔቴፋ

11 ሃዋ ዲራው፣ ሂንቴኖ ዛሪያን አዩሁዳ ገደና አሳቶ፣ ባሬንቱ አሳቴፋ ቦላ ኩሺያን ኦሴቴዳዋን፣ ባሬና ቃፃሬቴዳዋንታ ገያ አዩሁዳቱ፣ ቃፃሬቴቤናዋንታ ገዴ ዪሲያዋንቶ፣ ሂንቴ ካሴ ኦኔንቶ አኬኪቴ። 12 ሄ ዋዴ ሂንቴ ኪሪሰቶሳፔ ሻኬቴዳታ፤ አማፋ ገዲዳ፣ ኢሰራዔሊያ አሳፔ ሃኪዴ ዴዔዳታ፤ ያሳይ ባሬ አሳው ኢማና ገዴ ጫቄዳ ጫቄዋፔ አዩኔ ዴሚቤይኪታ፤ ሃ ሳዓ ቦላ ሂንቴ ዴማና ገዴ፣ ናሼቻን ናገ ኡቴዳዋ ዴሚናኒኔ ቃሲ ያሳይ ባዩናን ዴዔዳታ። 13 ሺን ሂንቴ ካሴ ሃኪዴ ዴዔዳዋንቱ ሃዒ ኪሪሰቶሳ ዩሱሳና ዴዒዳ፣ ኪሪሰቶሳ ሃዩቁዋን ማታ ሸቄዳታ።

14 አዩሲ ጎጥ፣ ኪሪሰቶሲ አዩሁዳ አሳኔ አዩሁዳ ገደና አሳ ኢቱዋ ኡዲዳ፣ ኑሲ ሳርቴፋ አሄዳ። ኡንቱንቱ ላዑዋ ሻኪዴ፣ ሞርኬ ኦሲ ዋጭዳ ሞርኬቴፋ ጎዳ ባሬ አሳቴፋን ኮሊ ዩጌዳ።

15 ኢ ባሬ ሁጹው ሃ ላዑ ዛሬቱዋፔ ኢቲ ኦራፋ አሳ ማዴዳ ሳርቴፋ ዋፋናው፣ አዩሁዳ አሳቱዋ ሂገያ አ አዛዛቱዋኔ ዋጋቱዋና ኢቲፔ ጳዩሴዳ። 16 ኪሪሰቶሲ ማሰቃሊያ ቦላ ሚሲማሪያን ጳሼቲዴ ሃይቄዳ ባሬ ሃዩቁዋን ሞርኬቴፋ ጳዩሴዳ፤ ቃሲ ማሰቃሊያ ባጋና ላዑ ዛሬቱዋካ ኢቲ አሳ ኦሲ ሲጌሊዳ፣ ያሳኮ አሄዳ። 17 ኪሪሰቶሲ ዩዴ፣ ያሳፔ ሃኪዴ ዴዔዳ ሂንቴንቶ አዩሁዳ ገደናዋንቶ፣ አ ማታን ዴዔዳ አዩሁዳቶ ኡባው፣ ሚሺራቹዋ ቃላ ሳርቴፋ ኦዴዳ።

18 አዩሲ ጎጥ፣ ኑሲ ኡባይ፣ አዩሁዳቱካ አዩሁዳ ገደናዋንቱካ፣ ኢቲ ጌሻ አያናን ኪሪሰቶሳ ባጋና አዉዋ ሲንፋ ሺቃናው ዳንዳዬቶ።

19 ሲሚ ሂንቴ አዩሁዳ ገደና አሳቱ ሃዋፔ ሲንፋው አላጋ ዋይ አማፋ ገዲኪታ፤ ሃዒ ሂንቴኔ ጌሻቱ ኢቲ ቢታ አሳ፤ ቃሲ ያሳው ሂንቴ ሶይ አሳ። 20 ዩሱሲ ኪቴዳዋንቱኔ ቲሞቢቲያ ኦዲያዋንቱ ባሴዳ ባሱዋ ቦላ ሂንቴካ ኬፀቴዳታ፤ ጎዳ ፃጹዋ ሚኒሲያ ዋና ሹቻይ ኪሪሰቶሲ ዩሱሳ። 21 ኢ ጎሊያ ኡባ ኢቲፔ ሺሺ ኦይቄዳ፣ ያሳ ባጋና ጌሻ፣ ያሳ ጌሻ ጎሌ ገደና ማላ ዲቹ። 22 ሂንቴ ቃሲ ያሳይ ባሬ አያናን ዴዔዳ ጎሊያ ገደናው፣ ሃራቱዋ ኡባና ኢቲፔ ኪሪሰቶሳን ኬፀቲታ።

3

ጳውሎሲ አማኔና አሳው ኦጭዳ ኦሱዋ

1 ህዋ ዲራው፡ ሂንቴኖ አዪሁዳ ጊዴና አሳቶ፡ ታኒ ጸዉሎሲ ሂንቴ ዲራው ኪሪሰቶሲ ዩሱሳ ቃሾ አሳ ጊዴዳዌ፡ ያሳ ዋሳይ።
 2 ያሳይ ባሬ አጾ ኬካቴላን፡ ታኒ ሂንቴና ማዳናዳን፡ ሃ ኦሱዋ ታው ኢሜዳዋ ሂንቴ ሎይሌ ሲሴዲታ። 3 ያሳይ ባሬ ፀራ ቆፋ ታው ቆንጨሲዳ፡ ታና ኤሪሴዳ፤ ታኒ ህዋ ቃንላን ፃፋዲ።
 4 ቃሲ ታኒ ፃፊዳዋ ሂንቴ ናባቢያ ዋዴ፡ ኪሪሰቶሳ ፀራ ታኒ ዋታ ኣኬካዲታንቶኔ ኤራናው ዳንዳዪታ። 5 ቤኒ ዋዴ አሳይ ሄ ፀራ ዩዉዋ ሲሲቤና፤ ሺን ያሳይ ህዋ ዩሱሲ ኪቴዳ ያሳ ናናቶኔ ቲምቢቲያ ኦዲያዋንቶ፡ ጌሻ ኣያናን ሃዒ ቆንጨሴዳ።
 6 ፀራ ዩዉ ሃዋ፤ አዪሁዳ ጊዴና አሳይ ዋንጋላ ባጋና፡ ያሳ ኣንጂዋ አዪሁዳቲዋና ኢቲፔ ላቲኖ፤ ኡንቴንቴ ኢቲ አሳቴላን ሻኬቴናን ዴዒኖ፤ ቃሲ ኪሪሰቶሲ ዩሱሳ ባጋና ያሳይ ኢማና ጌዳዋ አዪሁዳቲዋና ሻኪኖ።

7 ያሳይ ባሬ ኦሱዋ ዋልቃ ባጋና ታው ኢሜዳ አጾ ኬካቴላን ታኒ ሃ ዋንጋላው ቆማ ጊዳዲ። 8 ታኒ ጌሻቲዋ ኡባ ጊዳን ላፊያዋ ጊዳፔካ፡ አዪሁዳ ጊዴና አሳው ዛዋይ ባዪና ኪሪሰቶሳ ዲሬቴላ ሚሺራቹዋ ቃላ ኦዲያ ሃ ቃዳ ያሳይ ታው ኢሜዳ። 9-10 ቃሲ ታኒ ህዋን ያሳ ፀራ ቆፋ አሳ ኡባው ቆንጨሳ ኦዳና፤ ኡባባ ሜዴዳ ያሳይ ባሬ ፀራ ዩዉዋ ቤኒ ዋዴ ጌሻላ ዋሌዳ። ያሳይ ሃዒ ህዋ ዋሳ ጎሊያ ባጋና ሳሉዋ ሳዓን ዴዒያ ካፓቶኔ ጎዳቴላይ ዴዒያዋንቶ ዛዋይ ባዪና ባሬ አጾዳ ኤራቴላ ቆንጨሳናው ኦሌዳ።
 11 ያሳይ ህዋ ኦ ጎዳ ኪሪሰቶሲ ዩሱሳ ባጋና ኢ ፖሌዳ ባሬ ሜዲና ቆፋዳን ኦሌዳ። 12 ኦኒ ኪሪሰቶሲ ዩሱሳና ኢቲፔ ጊዲዳ፡ ኣ ኣማኒያ ኣማኑዋን ኣማኔቲዳ፡ ኣዪኔ ያዩናን ያሳ ሲንላ ሺቃናው ዳንዳዬቶ።

13 ህዋ ዲራው፡ ታኒ ሂንቴዋን ሜቶቲያዋን ሂንቴ ሂርጌና ማላ፡ ሂንቴና ዋሳይ፤ አዪሲ ጎፔ፡ ታኒ ሂንቴ ቦንቾ ሜቶታይ።

ኪሪሰቶሳ ሲቁዋ

14-15 ህዋ ዲራው፡ ታኒ ሳሉዋኒኔ ሳዓን ዴዒያ ኣማኒያ ጎሊያ አሳይ ኡባይ ኣፔ ዩዳ * ያሳ ሲንላን ጉልባታይ። 16-17 ያሳይ ባሬ ቦንቹዋ ዳሩዋዳን፡ ባሬ ጌሻ ኣያናን፡ ሂንቴንቶ ሂንቴ ጋርሳ አሳቴላን ሂንቴ ሚኒያ ዋልቃ ኢማናዲኒኔ፡ ቃሲ ኣማኑዋ ባጋና ኪሪሰቶሲ ሂንቴ ዋዛና ባሬ ጎሊያ ሜዳናዳን፡ ታኒ ያሳ ዋሳይ፤ ቃሲካ ሂንቴ ፃጹዋ ዩዲዳ፡ ቶኬቴዳ ሲቁዋን ሚናናዳን፡ ያሳ ዋሳይ። 18 ቃሲ ጌሻቲዋ ኡባና ኪሪሰቶሳ ሲቁ ኣይ ኬና

* 3:14-15 ኣፔ ዩዳ፡ ኣፔ ዴንደዋን፡ ኢቲዋ ኢቲዋ ሀጺያን ሀጺያን ኤሪያዋሳ።

አኪንቶ፣ አዲሴንቶ፣ ቶቄንቶኔ ጨሜንቶ † ኤሪያ ዋልቃ ሂንቴንቱ ዴማናዳን፣ ታኒ ያሳ ዋሳይ። 19 ኤራቴፋፔ አጲያ ኪሪሰቶሳ ሲቁዋ ሂንቴ ኤራናዳኒኔ ቃሲ ያሳዋ ጊዲያ ኡባባኒ ሂንቴ ፖሊ ኩማናዳን፣ ታኒ ያሳ ዋሳይ።

20-21 ሲሚ ኑ ጊደን ኦሊያ ባሬ ዋልቃ ባጋና ኑኒ ዋሲያዋ ዋይ ቆፒያዋ ኡባፔ ሎይሊ ዳሪሲ ኦፋናው ዳንዳዪያ ያሳው፣ ዋሳ ጎሊያኒኔ ኪሪሰቶሲ ዬሱሳን ኡባ ዋይ ሜጲናፔ ሜጲና ጋካናው ቦንቹ ጊደ። አሜንዲ።

4

ቦላ ኢትፔቴፋ

1 ሄዋ ዲራው፣ ታኒ ጎዳው ኦሊያ ዲራው ቃሼቴዳዌ ያሳይ ሂንቴና ጃሴዳ ጃሳው ቤሲያ ዴዑዋ ሂንቴ ዴዳናዳን፣ ታኒ ሂንቴና ዋሳይ። 2 ኡባ ዋይ ሂንቴ ሂንቴ ሁጲያ ካዉሺያዋንታ፣ አሺኬቴዋኔ ዳንዳያንቻቴዋ ጊዲቴ፤ አቱ አቱዋ ማዲያዋን ሂንቴ ሲቁዋ ቤሲቴ። 3 ሂንቴና ኢትፔ ጋሊ ቃቹያ ሳሮቴፋን፣ ጌሻ አያናይ ሂንቴንቶ አሚያ ኢትፔቴፋ ናጋናው ማኒቴ። 4 ያሳይ ሂንቴና ጃሴዳ ሂደታይ፣ ሂንቴ ዴማና ጊዴ ናጊ ኡቴዳዌ ሜፂ አቱዋ ጊደዋዳን፣ አቱ አሳቴፋይኔ አቱ ጌሻ አያናይ ዴዴ። 5 አቱ ጎዳይ፣ አቱ አማኑኔ አቱ ጃንቃታይ ዴዴ። 6 ኡባ ጎዳይ፣ ኡባ ባጋና ኦሊያዌ፣ ኡባ ጊደን ዴዲያዌ፣ አቱ ያሳይ፣ ኡባ አዉ ዴዴ።

7 ሺን ኪሪሰቶሲ አሜዳ አሙዋዳን፣ ኑኒ ሁጲያን ሁጲያን ዲማ አሙዋ አኪደ። 8 ሄዋ ዲራው፣ ያሳ ማፃፋይ፣

«ኢ ፑዴ ቶቃሳ ኬሴዳ ዋይ፣

አሞዴቴዳዋንታ አፌዳ፤

አሳዉካ አሞታ አሜዳ»

ያጌ። 9 ያቲና፣ «ፑዴ ኬሴዳ» ጊያዌ ዋጊያዌ? ኢ ኮዪሮ ዲጌ ዋጴዳ፤ ሄዌ ሳዳው ሂርኪ ዉርሴፋሳ ዋጴዳ ጊያዋ። 10 ሃ ዲጌ ዋጴዳዌ ባሬ ሁጲው አ፤ ሄ ኢ ኡባባ ኩማናዳን፣ ሳሉዋ ኡባፔ ቶቄያሳ ፑዴ ኬሴዳ።

11 አሳው አሞታ አሜዳዌ አ፤ ኢ አቱዋ አቱዋ ዬሱሲ ኪቴዳዋንታ፣ ሃራቴዋ ቲምቢቴያ ኦዲያዋንታ፣ ቃሲ ሃራቴዋ ሚሺራቾዋ ቃላ ኦዲያዋንታ፣ ቃሲካ ሃራቴዋ ዋሳ ጎሊያ ካሌሊያዋንታኑ ታማሪሲያዋንታ ኦሊ ሱንሌዳ። 12 ኢ ሄዋ ጌሻቱ

† 3:18 አኪንቶ፣ አዲሴንቶ፣ ቶቄንቶኔ ጨሜንቶ፣ ሃዌ ቤሲያዌ ሳሉዋን ዴዲያ ዬራሳላሞ ዋይ ያሳ ሲቁዋ ዋይ ያሳ አጶ ኤራ ዋይ ዬሱሳ ማስቃሌው ዴዲያ ቢሌፋ።

ኡባይ አማኒያ አሳ ኦሱዋ ኦላናዲኒኔ ኪሪሰቶሳ ቦላን ከፆታናዳን ገረሰናው ኦሌዳ። 13 ቃሲ ኮኒ ኡባይ ያሳ ናዓ አማኒናኔ ኤሪና ቤቲያ ኢቲፔቴላኮ ጋካና፤ ኮኒ ኪሪሰቶሳ ፖሎ ዲቻ ኬና ዲጨዳ። ደንዛ አሳ ገዳናዳና።

14 ኮኒ ቤታን ያኔ ሃኔ ሸጩቲዳ። ባሪንቲ ጨሚያ ሃናታን አሳ ባላ ኦጊያ ካሌሌያ ጌኒያ አሳ ቲሚርቲያ ጫርኩዋ ኡባን ሱጌቲዳ። ሃዋፔ ሲንላው ናዓ ገዳናው ቤሴና። 15 ሺን ኮኒ ሲቆቴላን ቱሙዋ ሃሳዪዳ። ሁጼ ገዲያ ኪሪሰቶሳኮ ኡባባኒ ዲጨናው ቤሴ። 16 ቦላ ገደን ዳዒያ ዲማ ዲማ ሻኮታይ ኣኒ ኢቲፔ ኦይቄቲዲና፤ ቃሲ ኩሜንላ ቦላይ ባሪው አሜቴዳሳ ኡባን ኢቲ ኢቲዋና ጋኬቲዳ። ኢቲፔ ኦይቄቲ ኡቲዳ፤ ሄ ዲማ ዲማ ሻኮታይ ኦላናው ቤሲያዋ ኦሊያ ዎዳ። ኩሜንላ ቦላይ ሲቁዋን ዲጨኔ ባሪና ከፆ።

ኪሪሰቶሳን ቤቲያ ኦራላ ዳዑዋ

17 ሃዋ ዲራው፣ ታኒ ሃዋ ሂንቲንቶ ጎዳ ሱንላን ኦዳይኔ ማርካታይ። ሂንቲ ጎሲ ባዪና ቆፋ ቆፒያ አዪሁዳ ገደና አሳቱዋዳን ዳጋፒቲ። 18 ኡንቲንቲ ዎዛናይ ቆማኒ ዳዒ፤ ኡንቲንቲ አዪኔ ኤሪናዋንታኔ አዛዜቲና ዲራው፣ ያሳይ አሚያ ዳዑዋፔ ሃኬዲና። 19 ኡንቲንቲ ማታን ዬላ ገያዌ ባዋ፤ ኡንቲንቲ ዎሹማው ካጃላናው ባሪንቲ ሁጲያ አሊ አሚና፤ ቃሲ ቱናባ ኡባ ፓጨ ባዪናን ኦላናው ሎይሊ የራቲያዋንታ።

20 ሺን ሂንቲ ኪሪሰቶሳዋ ሃዋዳን ታማሪቤዪኪታ። 21 አባ ቱሙ ሲሴዲታ፤ ቃሲ ቱማቴላይካ ዬሱሳን ዳዒያዋ፣ አፔ ታማሪዲታ። 22 ሂንቲ ካሴ ዳዒያ ዳዑዋ ኣገቲ፤ ቃሲ ባሪ ጨሚያ አሙዋን ቆዪያ ሂንቲ ኤጫ አሳቴላ ቆዪሲቲ። 23 ሂንቲ ዎዛናይኔ ቆፋይ ኡባና ኦራፃናው ቤሴ። 24 ቱሙ ዓሎቴላኒኔ ጌሻቴላን ያሳ ለሚሱዋን ሜዴቴዳ ኦራላ አሳቴላ ማዪቲ።

25 ሲሚ ዎርዶቶፒቲ። ኮኒ ኡባይ ኪሪሰቶሳ አሳቴላን ኢቲ አሳ ገዲያ ዲራው፣ አሳይ ኡባይ ባሪ ኢሻው ቱሙዋ ሃሳናናው ቤሴ። 26 ሃንቄቲቲ፤ ሺን ሂንቲ ሃንቁዋን ናጋራ ኦላፒቲ። ሂንቲ ሃንቁዋን ዳዒሺን፣ አዋይ ዉሎፖ። 27 ዓላሄው ያዒያ አሞፒቲ። 28 ዉዒያ ኡራይ ሃዋፔ ሲንላው ዉያፖ፤ ሺን ሃዋ ኣጊዳ፣ ሂዬሳቱዋ ማዳናው፣ ባሪ ኩሺያን ሎዖባ ኦሊዳ ዳቡር።

29 ሂንቲ ሃሳያይ ሲሲያዋንታ ጎዓና ማላ፣ ኮሺያዋዳን ሜንሌሊያ ሎዖ ቃላይ ሂንቲ ደናፔ ኬሶፔ ኣቲን፣ ኢታ ቃላይ ሙሊካ ኬሶፖ። 30 ያሳይ ሂንቲና ዎዚያ ጋላሳው ሂንቲ ኣታማቲ

ኡቴዳ ያሳ ጌሻ አያና ካዮዮፒቴ። 31 ኢዲያ ሃኖታ፡ ዪሉዋ፡ ሃንቁዋ፡
ዋሱዋኔ ጫሻ ኡባ ኢታቴላ ኡባና ሂንቴፔ ጳዪሲቴ። 32 ኢቱ
ኢቶ ከኪቴኔ ቃሪቴቴ፤ ቃሲ ያሳይ ኪሪሰቶሳ ባጋና ሂንቴንቶ አቶ
ጌዳዋዳን፡ ሂንቴካ ኢቱ ኢቱዋ አቶ ጊቴ።

5

ፖዑዋን ዳዒቲ

1 ሲሚ ያሳይ ሰቂያ ናናቱዋዳን፡ አ ማላቲቴ። 2 ቃሲ ኪሪሰቶሲ
ኑና ሰቂዴ፡ ባሪ ሁጲያ ያሳው ናሼቹያ ያርሹዋዳኒኔ ኢሞታ ኡዲዴ
ኢሚዳዋዳን፡ ሂንቴካ ሰቂዋን ዳዒናው ቤሴ።

3 ሺን ያሳ ናናው ቤሲያዋዳን፡ ሂንቴ ጊደን ዋሹሚያዌኔ
ቱናቴላ ኡባይ፡ ዋይ ሚሻ አሞቲያዌ ሙሌካ ሲሴቶፖ።

4 ዬላዪያዌኔ ኤያ ሃሳያይ ዋይ ፓፍና ቂጲ ሂንቴንቶ ቤሴናዋ
ጊዲያ ዲራው፡ ሂንቴ ማታን ኡባካ ዴፖፖ፤ ሂንቴ ሄዋ ኡባ አጊዴ፡
ያሳ ጋላታናው ቤሴ። 5 ሃዋ ኤሪቴ፤ ኦኒኔ ዋሹሚያዋ ዋይ ቱናባ
ኦሊያዋ፡ ዋይ ሚሻ አሞቲያዋ ጊደፔ፡ ኪሪሰቶሳ ካዉቱላኔ ያሳ
ካዉቱላ ላታናው ዳንዳዬና፤ ሚሻ አሞቲያዌ ኤቃው ጎዪኒያዋፔ
ዲማቲና።

6 ሂንቴና ኦኒኔ ፓፍና ሃሳያን ጨዋፖ፤ አዪሲ ጎፔ፡ ሃዋ ጋሱዋን
ያሳ ሃንቁ አዛዜቴና አሳ ቦላ ያና። 7 ሲሚ ሄዋ ማላ አሳና
ዙፔቶፒቴ። 8 አዪሲ ጎፔ፡ ካሴ ሂንቴ ጳማኒ ዳዒዲታ፤ ሺን
ጎዳ ባጋና ሃዒ ፖዑዋን ዳዒታ፤ ፖዑዋን ዳዒያ አሳዳን ፖዑዋን
ሃሜቲቴ። 9 አዪሲ ጎፔ፡ ፖዑ ሎፖቴላ፡ ዪሎቴላኔ ቱማቴላ ኡባ
አዪፌ።

10 ጎዳ ናሼቹያባይ አዪንቶ ታማሪቴ። 11 ጎዒ ባዪና ጳማ
ኦሱዋ ቆንጨሲ ቤሲቴፔ አቲን አናና ዋላኬቶፒቴ። 12 ኡንቴንቱ
ጌማን ኦሊያዌ ሃራይ አቶ ሃሳዪያዌካ ፖኬ። 13 ሺን ኡባባይ
ፖዑዋ ከሲያ ዋዴ፡ ቆንጨያን ቤታና፤ አዪሲ ጎፔ፡ ቆንጨያን
ቤቲያ ኡባባይ ፖዑዋ። 14 ሄዋ ዲራው፡

«ጌሚዒሺያዎ፡ ቤጎታ፤
ሃዪቁዋፔካ ዳንዳ፤
ኪሪሰቶሲ ኔው ፖዒሳናዋ»

ያጌ። *

15 ሲሚ ሂንቴ ዋኒ ዳዒንቶ አከከቴ፤ አዴዳ ኤራቴላና
ዳዒያ አሳዳን ዳዒቴፔ አቲን፡ አዴዳ ኤራቴላይ ባዪና አሳዳን

5:2 ከሰ 29:18፤ ማዘ 40:6 * 5:14 ሃዌ ማዚሙሪያ ጊዲዴ አማኔዳ አሳይ
ፃማቁቲያ ዋዴ ዬጻቲያዋ።

ዳጋጥቴ። 16 ዋዲ ኢታ ጊዲያ ዲራው። ሂንቴ ዋዲያ ሂንቴው ዳንዳዬቶዋዳን ሎጋቲፋው ጎባቴ። 17 ሄዋ ዲራው። ጎዳይ ኮዲያዌ አዬንቶ አከከቴ፤ አቲን። ኤያ ጊደጥቴ።

18 ቃሲ ሂንቴናን ጌሻ አያናይ ቃንጭናን ኩሞፔ አቲን። ሂንቴና ባዲዚያ ዋዲኒያ ጊያ ኤሳ ኡሺዴ ማሶቶጥቴ። 19 ማዚሙሪያ ዬላን። ጋላቲዴ ዬዲያዋኒኔ አያና ዬላን ኢቱ ኢቱዋና ሃሳዪቴ፤ ቃሲ ጋላቲያ ዬላኒኔ ማዚሙሪያ ዬዲያዋን ሂንቴ ዋዛናን ጎዳ ጋላቲዴ ዬዲቴ። 20 ኑ ጎዳ ዬሱሲ ከሪሰቶሳ ሱንላን። አዉዋ ያሳ ኡባባው ኡባ ዋዴ ጋላቲቴ።

አሲናባኔ ማቻቲባ

21 ከሪሰቶሳው ያዪዴ። ኢቱ ኢቶ ሞዴቲቴ።

22 ማቼቶ። ጎዳው ሞዴቲያዋዳን። ሂንቴ አሲናው ሞዴቲቴ።

23 አዪሲ ጎፔ። ከሪሰቶሲ ቃሲ ዋሳ ጎሌው ሁጹ ጊዲያዋዳን። አሲናይካ ባሬ ማቻቲው ሁጹ፤ ቃሲ ከሪሰቶሲ ባሬ ሁጹያን። ባሬ ቦላ ጊዲያ ዋሳ ጎሊያ አሺያዋ። 24 ሺን ዋሳ ጎሊ ከሪሰቶሳው ሞዴቲያዋዳን። ማቼቱ ቃሲ ባሬንቱ አሲናው ኡባባኒ ሞዴታናው ቤሴ።

25 አሲናቶ። ከሪሰቶሲ ዋሳ ጎሊያ ሰቂዴ። ባሬ ሁጹያ ኢዚው አሜዳዋዳን። ሂንቴካ ሂንቴ ማቻቱዋ ሰቂቴ። 26 ኢ ዋሳ ጎሊያ ባሬ ቃላኒኔ ሃላን ሜጪ ጌሺዴ። ያሳው ዲማያናው ሃዋ ኦሴዳ። 27 ከሪሰቶሲ ዋሳ ጎሊያ ቂታይ ዋይ ዴሙዋ ጪጲሲያዌ ዋይ ሄዋ ማላቲያዌ ባዪናን። አ ኩሜንላ ቦንቹዋና ጌሻኔ ቦሬቴናዋ ኡዲዴ። ባሬ ሁጹው ሺሻናው ኮዬዳ። 28 ሲሚ ቃሲ አሲናይ ባሬ ማቻቶ ባሬ ቦላዳን ሲቃናው ቤሴ፤ ባሬ ማቻቶ ሰቂያዌ ባሬና ሰቂ። 29 አዪሲ ጎፔ። ባሬ ቦላ ኢዲያ አሳይ ሙሌካ ባዋ፤ ሺን ከሪሰቶሲ ዋሳ ጎሊያ ሙዚያዋዳኒኔ ናጊያዋዳን ኦኒኔ ባሬ ቦላ ሙዜኔ ናጌ። 30 አዪሲ ጎፔ። ኦኒ አ ቦላ ዲማ ዲማ አሳቴላ።

31 ያሳ ማፃፋይ፤ «ሄዋ ዲራው። አቱማዌ ባሬ አዉዋኔ ባሬ ዳዮ አጊዴ። ባሬ ማቻቲና ኢቲፔ ዴዓና፤ ኡንቱንቱ ላዑካ ኢቲ አሹዋ ጊዳና» ያጌ። 32 ሃ ፀራይ ዋልቃማ ቱማቴላ፤ ሺን ታኒ ሃዌ ከሪሰቶሳባኒ ዋሳ ጎሊያባ ኦዴ ያጋይ። 33 ጊደፔካ። ቃሲ አሲናይ ሁጹያን ሁጹያን ማቼያ ባሬ ሁጹያዳን ሲቃናው ቤሴ፤ ማቻታካ ባሬ አሲና ቦንቻናው ቤሴ።

6

ዩሌዳዎንቱባኔ ዩሌቴዳ ናናቱዋባ

1 ናቶ፡ ሂንቴና ዩሌዳዎንቶ ጎዳ ቦንቸያዎዳን አዛዘቲቴ፤ አዪሲ ጎቴ፡ ሃዌ ኦፋናው ቤሲያዎ። 2-3 «ኔው ኡባባይ ሎዓናዳኒኔ ሳዓን ኔ ላይላይ አዲቃናዳን፡ ኔ አዉዋኔ ኔ ዳዮ ቦንቻ» ጊያ አዛዙ ያሳይ ኢማና ጌዳ ሂደታና ዴዒያ ኮዩር አዛዙዎ።

4 አዎቶ፡ ሂንቴ ሂንቴ ናናቱዋ ጎዳ ሴራኒኔ ዞሪያን ዲቸቴቴ አቲን፡ ኡንቱንታ ሃንቄላፒቴ።

ጎዳቱዋባኔ አይላቱዋባ

5 አዪላቶ፡ ኪሪሰቶሳው አሊያዎዳን፡ ሂንቴ ጎዳቶ ያሻቴላኒኔ ኮኮርሳን ሱሬ ዋዛናቴ አዛዘቲቴ። 6 ያሳይ ጌዳዎ አሊያዎንቱዳን፡ ኪሪሰቶሳ አዪላቱዋዳን፡ ዋዛናቴ አሊቴቴ አቲን፡ አሳ ናሼቻናው አሊያዎዳን፡ አሳይ ቤያ ጊዴ አላፒቴ። 7 አሳው ጊዴናን ጎዳው አሊያዎዳን፡ ጳቤናን ዋዛናቴ አሊቴ። 8 አዪሌ ጊዲና ዎይ ዎማኑዋ ጊዲና፡ ኢ አሊያ ሎ? ኦሶ ኡባው ጎዳይ ሁጲያን ሁጲያን ዎዪታናዋ ኤሪታ።

9 ጎዳቶ፡ ሂንቴ አዪሌቱዋ ናሲያዎ አጊዴ፡ ኡንቱንቶ ሄዎዳን አሊቴ፤ ሂንቴናኔ ኡንቱንታ ጋሊ ዋዲያ ጎዳይ፡ ኦናኔ ማዲ ፒርዴናዌ፡ ሳሉዋን ዴዒያዎ ኤሪታ።

ያሳ ኦላ ሚሻቱዋባ

10 ዉርሴላን፡ ጎዳኒኔ አ ዎልቃማ ዎልቃን ኡባ ዎዴ ሚኒቴ። 11 ፃላሂያ ኢታ ጨውዋ ቴዓናው ሂንቴ ዳንዲያና ማላ፡ ያሳይ ሂንቴንቶ ኢሚያ ኦላ ማዩዋ ኡባ ማዪቴ። 12 አዪሲ ጎቴ፡ ኦኒ ቦላ ሳሉዋ ዴዒያ ኢታ አያና ዎልቃቱዋና፡ ዋዲያዎንቱና፡ ጎዳቴላይ ዴዒያዎንቱናኔ ሃ ጳማ ቢታ ዋዲያዎንቱና ኦሌቲያዎቴ አቲን፡ አሳና ኦሌቶኮ።

13 ሄዎ ዲራው፡ ኢታ ጋላሳን * ቴዓናዉኔ ቃሲ ዉርሴላይ ጋዛናው ዎዴቶዋፔ ጉዪያን፡ ሚኒ ኤቃናው ሂንቴ ዳንዲያና ማላ፡ ያሳ ኦላ ሚሻ ኡባ ኦይቂቴ። 14-15 ሄዎ ዲራው፡ ፃሳን ሳቂያ ዳንጨያዎዳን ቱማቴላ ዳንጨዴ፡ ቲራን ዎሊያ ኦላ ሚሻዳን ፃሎቴላ ማዪቴ፡ ሂንቴ ጌዲያን ጫማ ዎሊያዎዳን ሳርቴላ ሚሺራቹዋ ቃላ ኦዳናው ጊጊዴ፡ ሚኒ ኤቂቴ። 16 ሄ ኡባፔ

6:1 ቆል 3:20 6:2-3 ኬስ 20:12፤ ዛር 5:16 6:4 ቆል 3:21 6:5 ቆል 3:22-25 * 6:13 ኢታ ጋላሳን፡ ሃዒ ዴዒያ ዎዲያ ዎይ ሃይቁዋ ጋላሳ ዎይ ዉርሴላ ፒርዳ ዎይ ሙራ ጋላሳ ጊያዎ። 6:14-15 ኢሳ 52:7

አሌዴ፡ ፃላሂ ዩዲያ ዋንዳፊያ ታማ ኡባ ቶዩሳናው፡ አማኑዋ ኡባ ዋዴ ጎንዳሊያዳን ኮይቁቴ። 17 አቶቴላ ሁጺያን ዋሌያ ቢራታ ቆቢያዳን ዋሌቴ፤ ቃሲ ጌሻ አያና ማሻ ጊዴዳ ያሳ ቃላ ኮይቁቴ።

18 ያሳ ዋሲዲኔ አ ማዲዋ ኦቺዴ፡ ኡባ ዋዴ ጌሻ አያናን ያሳ ዋሲቴ። ሄዋ ዲራው፡ ሚኒቴ፤ ሳሌቶፒቴ፤ ጌሻቴዋ ኡባው ያሳ ኡባ ዋዴ ዋሲቴ።

19 ቃሲ ታኒ ያዬናን ዋንጋላ ፀራ ኦዳናው፡ ያሳይ ታ ዶና ዶዩዴ፡ ሃሳዩያዋ ኢማናዳን፡ ታዉካ ያሳ ዋሲቴ። 20 ታኒ ሃዲ ቃሹዋን ዴፖፔካ፡ ሃ ዋንጋላ ዲራው ታኒ ከቴቴዳዋ፤ ታኒ አባ ታው ቤሲያዋዳን ያዬናን ኦዳና ማላ፡ ታው ያሳ ዋሲቴ።

ዉርሴላ ሳርታ

21 ሺን ታኒ ዋና ዴዒንቶኔ አያ ኦላይታንቶ ሂንቴካ ኤራናዳን፡ ኑ ሲቆ አሻይ፡ ጎዳ ኦሱዋን አማኔቴዳ ቆማይ ቲኪቆሲ፡ ታዋ ኡባ ሂንቴንቶ ኦዳናዋ። 22 ኑኒ ኡባይ ዋኒ ዴዒንቶ ሂንቴንቶ ኦዲዴ፡ ሂንቴና ሚኒሳና ማላ፡ ታኒ አ ሂንቴኮ ከታዲ።

23 ያሳ አዉዋፔኔ ጎዳ ዩሱሲ ከሪሰቶሳፔ ሳርቴላይኔ ሲቆቴላይ አማኑዋና ኢቲፔ አሻቴዋ ኡባው ጊዶ፤ 24 ዶቼና ሲቁዋን ኑ ጎዳ ዩሱሲ ከሪሰቶሳ ሲቂያ ኡባቴዋና ያሳ አጾ ከካቴላይ ጊዶ። አማንዲ።

Ooratha Caaquwaa
New Testament in Dawro (ET:dwr:Dawro)

copyright © 2011 Wycliffe Bible Translators, Inc.

Language: Dawro

Translation by: Wycliffe Bible Translators, Inc.

Copyright Information

© 2011, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Dawro

© 2011, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-22

PDF generated using Haiola and XeLaTeX on 21 Feb 2024 from source
files dated 29 Jan 2022
585b63ca-b8e6-55c8-bfef-10bdc95ad69c